

Հօտին, ցանկալին 'ի Հարս Պատրիարքոց աթոռոյն Երուսաղէմի Գրիգոր Հայրապետն Պարոն Տէր, Հասեալ 'ի խոր ծերութեան Հանգեալ խաղաղութեամբ 'ի տէր, և թաղեցաւ 'ի վանս Ս. Փրկչի, վարեալ զիշխանութիւն Պատրիարքութեան ամենայն զգաստութեամբ ամս 32, որոյ յիշատակն օրհնութեամբ եղիցի • (1645) :

Յետ այսորիկ սովորութիւն եղեւ միաբանաց Ս. Յակոբայ թաղել զՊատրիարքունս և զեպիսկոպոսունս 'ի գաւթի վանաց Ս. Փրկչի • զի մինչեւ ցայս վայր զմանս թաղէին 'ի գաւթի տաճարին Ս. Յակոբայ, և այլոց բազմացն չեն յայտնի • զի թերեւս խառն ընդ ուխտաւորաց թաղէին 'ի Ճառներ կոչեցեալ տեղին • զորմէ գրեն Եւրոպացի ճանապարհորդք • « Ագարակն Ակեղղամայ, կամ գերեզմանատունն ուխտաւորաց, է 'ի Հարաւակողմն լերին Սիոնի, 'ի վերկոյս ձորոյն Գեհնի 'ի մէջ ցամաք բլրի, որ 'ի հին ժամանակս էր փոքր ինչ արտ 'ի մէջ քարաժայռ լերանց, զոր Հրեայք գնեցին 'ի Բրուտէ 30 արծաթի • զոր մասնիչն Յուդայ յետս դարձոյց, և արարին գերեզման օտարաց, որք մեռանին յերուսաղէմ • Մարշ. Իլ. 1 • 7 • 8 : Գործ. Ա. 19 : Ի սոյն ներկայ ժամանակիս տեղոյս այսմիկ տիրեն Հայազգի քրիստոնեայք, որք արարեալ են իւրեանց գերեզմանատուն գնեալ 'ի Թրքաց 'ի միջին տեղի կառուցեալ կայ շինուած ինչ քառանկիւնի կամարակապ • 40 ոտնաչափ երկայն և նոյնչափ լայն • և ունի յառաստաղն 3 • 4 • կամ 5 լուսամուտս, յորոց իջուցանեն Հայք պարանաւ զմարմին ննջեցեալ Հայ ուխտաւորաց, որք մեռանին յերուսաղէմ : Բայց նոքա, այսինքն Հայք իջանեն անդ ուրոյն ճանապարհաւ, կամ դրամբ 'ի վայր • և գնեն զմարմին մեռելոց 'ի վերայ գետնի առանց թաղելոյ • միայն պատանօք կարդաւ հուպ առ հուպ (քով քովի), և այնպէս մնան յերեսս գետնի՝ եւ ոչ ծածկեն հողով : եւ 'ի վերայ այսր ամենայնի զկնի մի քանի աւուրց չորանան առանց հասելոյ : Թարգմանեալ 'ի Գերմաներէն գրքէ, տպեալ 1736 :

Իսկ Մարինոս Լատին այլ իմն եղանակաւ գրէ զայսմանէ, թէ 'ի 24 ժամս՝ մոխիր դարձուցանէ զդին, եթէ թաղեսցի 'ի հուլ : եւ թէ՛ զչիոյն Հեղինէ նաւուք տարաւ